

黔西州志卷之五

秩官志序 官制 職官 名宦 鄉賢 土司

古稱親民之官莫如郡守誠以郡守者綱紀之原庶務之本也外是則僚佐有分理之功師儒有董訓之職秩別尊卑責無輕重黔本安氏故壤民盡苗獮明雖以酋長為同知而狡獪之性終難一馴迨自

昭代聿興建設郡守官斯土者咸稱厥職其間之政蹟茂著身列名宦者固可彪炳千秋而循良著美後光輝映者亦紀載所不遺也若僚屬能殫心力以佐長吏師儒克以聲教作興人才雖在散秩咸表章焉夫

甘棠興思峴山墮淚民之好善今不殊昔蒞茲郡者當覽是編而自勵作秩官志

官制

國朝

文職

知州一員

吏目一員

儒學學正一員

訓導一員

武職 國朝康熙三年設總兵官一員參將一員遊擊二員守備三員千總六員把總十二員二

十三年改鎮為協裁參將一員守備一員千總二員把總四員雍正十年改遊擊二員為都司二員十二年裁都司守備各一員現在

副將一員

都司一員

守備一員

千總四員

把總八員

職官

設府首任康熙三年

王命來 江津人舉人

端木象震 溧水人例貢

原設通判

楊琦 宛平人貢監

李化龍 鑲白旗人後改州奉裁

經歷司

侯世爵 康熙四年任

方萬傑 康熙八年任

張鼎 康熙二十年任

司獄司

陸履祥 康熙四年任

鄭殿柵 康熙二十年任

儒學教授

郭洪祚 康熙四年任

黃桂 康熙二十年任

改州首任 康熙二十三年

何縉 四川人 進士

黃秉中 鑲紅旗人 廩生

佟山年 正藍旗人 監生

周恭生 安邱人 歲貢

穆成周 臨縣人 生員

董廷佐 鑲黃旗人 監生

張份 安邑人 監生

金獲 全椒人 監生

陳德榮 安州人 進士

鮑尚忠 天興人 監生

蘓松 湖北人

王夢桂 宛平人 歲貢

馮光宿 代州人 貢監

吏目 康熙二十二年改

李天機 康熙二十六年任

鞏金歐 康熙三十一年任

錢 霏 康熙三十三年任

毛繼韶 康熙三十四年任

倪正仁 由江南人  
由吏員

潘 琦 由浙江人  
由吏員

徐 璜 由浙江人  
由吏員

顧光耀 由浙江人  
由例監

梁際世 由河南人  
由吏員

學正 康熙二十三年設

宋洪緒 黎平人 甲  
子舉人

王仕儀 銅仁人 甲  
子舉人

鄒延聖 思州人  
歲貢

陸 儒 都勻人 丙  
子舉人

胡鍾鼎 正寧人 甲  
子舉人

許文魁 都勻人 庚  
午舉人

陳嘉修 施秉人 己  
卯舉人

梅廷模 安順人 捐  
貢

王萬育 貴定人 己  
卯舉人

李 英 甯安人 辛  
卯舉人

諶克舉 修文人 癸  
卯舉人

郭石介 安化人 丙辰舉人

賀立誠 貴陽人 庚子舉人

訓導 康熙四十三年設

越 璵 貴筑人 歲貢

陳以維 黃平州人 己卯副榜

况親炙 施秉人 歲貢

呂柄烈 石阡人 捐貢

陳旭 正安州人 歲貢

胡芳齡 安順人 歲貢

設鎮首任

李如碧 荊州府人

王永清 遼東人 康熙十五年任

葛東正 陝西人 康熙二十年任

叅將

蔡得春 康熙四年任

黨有良 遼東人

佟國棟 康熙二十年任

左營遊擊

武平孝 康熙四年任

楊大武 康熙十一年任

黃伯文 康熙二十年任

右營遊擊

楊應選 康熙四年任

呂九成 康熙二十年任

中營守備

顧靜陞 康熙四年任

熊盡孝 康熙九年任

葉成 康熙十六年任

左營守備

楊正虎 康熙四年任

洪偉 康熙十一年任

李起鳳 康熙二十年任

右營守備

沈守才 康熙四年任

張昱 康熙十一年任

趙光隆 康熙二十年任

改協守任

謝英

張開元

王鳳

梁輔唐

楊弘基

牛化麟

李根潤

劉蔡溥

冶大正

龔治邦

唐世顯

史載賢

冷文瑞

董國棟

左營遊擊雍正十年改為都司

都司


戴虎

右營遊擊 雍正十年改為都司 十二年併裁

左營守備 雍正十二年裁



右營守備  
吳傑



名宦

漢

濟濟火

牂牁帥善撫兵眾聞諸葛武侯南征積糧過道以迎師遂佐武侯平西南夷擒孟獲

封羅甸國王已乃攻普里諸種柘其境土即安氏遠祖也

唐

阿

佩

開成元年為羅甸鬼王率土夷內屬會昌中襲爵為王

普

露

昆明大鬼主羅甸國王天成年慕化來歸率其九郡入貢

宋

普

貴

一名字貴開寶中詔諭西南夷普貴遂納土歸順賜王爵

元

阿

畫

一名阿拂普貴之後至大元年使武畧將軍順元等處軍民宣撫使泰定開賜名帖

木兒

明

靄

翠

阿畫之後任元為四川行中書省左丞兼順元等處宣慰使洪武四年與同知朱欽

歸附以翠為貴州宣慰使統四十八部統最强

附載明天啟三年從征水西死事籍里莫考參

遊都守三十五人

舊載三十六人內有五達見遵義府志今止列三十五人

陳濟民

劉應龍

劉仲時

楊鯨

羅袍

五人俱叅將征水西死事聞祭贈都督僉事襲陞三級

李師沆

張纓

宋延路

聶應德

周國臣

陳富

楊通增

王建中  
遊擊八人

蓋補袞

劉廷舉

馬武

余報國  
都司四人

王得勝

田有龍

周國用

龍國正

曹柱

易登洲

覃事君

劉象麒

羅承富

曹思敬

張倅

張懷邦

董兆麟

陳我謀

耿良將

覃天印

羅承寵

黃中和  
守備十人

以上遊擊都司守備共三十員名征水西死事  
聞炤本職贈二級襲陞二級

國朝

黃秉忠

字惟一遼東人康熙二十八年任慈興利除弊士民愛戴為建祠以誌不忘

鄉賢

李世傑

州人字漢三號雲巖官兵部尚書賜諡恭勤于乾隆六十年據閩州紳士稟以績著

旂裳行孝桑梓請入鄉賢之祀經前州許牧通詳嗣于嘉慶元年奉文入祠

水西安氏叛服卒末

宋氏附

漢武帝定西南夷為牂柯郡溪峒箐篁中曰獠曰狨曰獠曰狨不一其種其在黔曰苗自蜀漢濟濟大從諸葛武侯擒孟獲有功封羅甸國王嗣後唐普露慕化來歸率其九郡入貢宋普貴納土賜王爵數傳至元阿晝以軍功授昭勇天將軍佩三块虎符順元等處宣慰同加羅甸侯世居水西有爵土靄翠即其子也後為安氏洪武初靄翠與宋蒙古歹皆以元宣慰司獻地歸附太祖嘉之使仍為宣慰使歹後賜名欽是時已開貴州設貴州長官司命都指揮顧成鎮守之築城建石門五漸立州縣矣而思南宣

慰使田仁智思州宣撫使田仁厚尤爭先納款即以其地隸湖廣管轄而以靄翠所守威寧地隸之四川翠復請開隴居犵狁以拓己境不許時翠與蒙古歹統四十八部號最强十四年宋欽死其妻劉贖珠襲宣慰使遣其子誠入朝賜錦綺反宋三十石鈔二百錠靄翠羨之於其再朝則遣妻奢香隨贖珠後率土酋十五人貢方物馬匹太祖大悅雜賜文綺織錦金環繡衣等物遂於靄翠之死奢香亦得循例赴闕襲宣慰使乃奢處事上而傲於待物既襲頗自大都督何福討羅羅還奏奢桀驁不用命當竝致討不報奢感服並襲衣金帶白金三百兩鈔五十錠十月奢復

遺子婦奢助及其部長來朝進馬六十六匹詔賜香銀四百兩錦綺鈔幣有差自是每歲貢獻不絕報賜之隆亦非他所敢望也二十九年香死朝廷遣使祭之的貢馬謝恩的死子卜葩襲葩死子中襲中老姪聚襲聚死姪隴富襲時正統七年也隴富自陳祖父以來累朝皆賜金帶臣蒙恩受賜乞如例從之是時宋誠之子斌年老以子昂代昂死然代十四年賜勅隴富母子嘉其調兵保境之功隴富頗驕天順三年東苗之亂富不時出兵聞朝廷有意督之乃進馬謝罪賜勅警之富死姪觀襲觀老子貴榮襲巡撫陳儀以西堡獅子之平田致仕宣慰觀與子貴榮統步

衆二萬攻白石崖四旬而克家自餽餉口不言功宜旌擢時給觀正三品昭勇將軍誥先是貴州兩宣慰安民世居水西管苗民四十八族宋氏世居貴州城側管水東貴筑等十長官司皆設治所於城內街列左右而安氏掌印非有公事不得擅還水西至是總兵官為之請許其以時巡歷所部趣辦貢賦聽暫還水西以印授宣慰宋然代理然安氏驕蹇不受節制即聽從征非邀重賞不赴且渺視官軍嘗睥睨省城曰是直用水西擅移壘塞耳正德中榮以從征香爐山有功加貴州布政司叅政猶怏怏乃奏乞減龍場諸驛以賞其功事下兵部議時兵部主事王守仁以

建言謫龍場驛丞榮敬禮之守仁乃貽書貴榮止其事書載  
茲文既而貴榮老請以子萬鍾襲命賜貴榮父子錦紵表  
裡先是宋然貪淫所管陳湖等十二馬頭苗民皆為科害  
致激變而貴榮欲并然地復誘之作亂於是阿朶等聚眾  
二萬餘署立名號攻陷寨堡襲據然所居大羊場然僅以  
身免貴榮遽以狀上冀令已撫按之會阿朶黨洩其情軍  
進討貴榮懼乃自率所部為助及賊平貴榮已死坐追奪  
然坐斬然遂奏世受爵土負國厚恩然變起於榮而身陷  
重辟乞分釋因從末減休土俗納粟贖罪都御史遂請以  
貴筑平伐七長官司地設立府縣皆以流官撫理巡撫覆  
奏以蠻民不願己之然宋氏亦遂哀子孫守世官衣租食  
稅聽征調而已時安萬鍾既襲驕縱不法甚於榮漢民張  
統土目烏掛等導之惡每游獵酒酣輒射人為戲常撻夷  
民角藥抹鬼阿內抹蔥四人怨之一日集督府督府未出  
候於外有賊刃萬鍾頭去索賊不得既而稍稍知為角藥  
四人四人遯時萬鍾無子其王弟萬鎰宜襲鎰以賊未獲  
故辭謝間統與烏掛遂保其踈族普者冒萬鎰弟曰萬鈞  
告襲指揮胡永遠朱蕃祖勳前後承勘受其賄匿情報鎮  
巡等官謂普者襲是但普者幼請暫委鍾妻奢播攝宣慰  
使待普者年長而後承襲於是萬鎰悔辭謝使人說烏掛

不聽大恨之乃借所親雲南女土官奢爵兵並己兵共數千人襲烏掛烏掛覺之亦募兵數千相讐殺而角藥抹鬼阿內三人適在境為亂兵所斃惟抹蔥逃烏掛誣鎡殺兄鎡亦誣兄為掛所殺疏卡餘上下鎮巡勘驗巡按胡瓊上狀言萬鎡宜襲但與烏掛互相誣訐宜各治罪令輸贖紉坐遠戍蕃勲永遠奢爵俱逮問梟角藥等首捕抹蔥而罰布政司趙文奎等之納賂者鎡乃承襲收嫂奢播為妻仍雄諸蠻未幾鎡死子阿寫幼命以萬銓襲萬銓有助平阿何功嘉靖七年提督尚書伍文定為之請萬銓亦自陳其功乞加叅政銜賜蟒衣帝命賜以應得之服後阿寫長改

名仁仁死子國亨幼夷民仍請銓視事俟亨長承襲至嘉靖四十一年亨承襲銓又去位於是有安智讐殺之事當萬銓之去位也有二子曰智曰信智出居織金阿魏而信留事亨亨淫虐嘗暱吳瓊吳珂而通其妻若姊絕愛幸令百姓謁瓊珂皆跪起叩頭如謁亨信諫之惡信甚既以他事罰信馬信買珂馬進亨知為珂馬也復給珂信大怒嘗醉把劍呼卜麻必覺語曰吾欲殺吳珂如何卜麻唯唯會夷目阿戶聞之以告亨亨殺信信兄智馳告其姨夫永寧土吏奢效忠同稱兵討亨會亨與母祿氏擊于烏蒙土府福榮榮本祿氏姪會與弟烏慮有隙祿氏呼烏慮來妻以所

部女實佐使慮借烏撒兵同擊榮而慮以出兵時淫所部  
路珠妻女為路珠所殺亨並留慮妻實佐使訟榮殺慮正  
會勘問而萬銓妻疏窮與土同知安國孝以殺信告且發  
其殺四峒人及烏慮事上遣給事與鎮巡官雜治之未行  
亨已與兄智及奢效忠戰於朵泥橋大関互相殺奪亨奪  
智及效忠所部阿租罵雍沙那者底者墮者頗褒遮班鴻  
阿宗而智及效忠亦奪亨所部勒普革普豆得劄果底威  
索務驢白而水西谷里威清奢香陸廣金雞諸驛皆阻廢  
不通都御史阮文中御史鄭國仕等初議調諸路兵大勦  
亨亨自知不法頗愍既而議夷俗讐殺稱兵第就吏議曲

直不宜煩我兵革遣宣慰宋一清約法令究殺信罪且獻  
諸主謀者亨大感立獻阿弟吳瓊吳彤務卒惡卒吳珂何  
高等而後乃對簿伏殺信狀當死於是以三萬五千金自  
贖而以六千金贖務卒等事定亨與智俱去職令亨子安  
民行宣慰事智子國貞行夷目事亡何亨所部阿撒沙拱  
阿朋世而後遂亨其一切所訟俱置不問僅罰亨入穀千  
石智三百石贖罪軻箇以下皆輕重輸贖有差亨乃益感  
矢報効以湔前耻時賣羔堡阿占界首阿崖阿散皆強賊  
阻山為寇亨悉擒捕膠致凡威清平壩之間道無伏奔又  
水西酋長者普犯十二營擄土婦隴氏亨逮以獻兵備使



余一龍為之奏聞值水西有阿列之首谷里有阿古之首  
白歸之首白緞之首阿扯之首威清有阿捕之首奢香有  
沙遮之首阿曰之首陸廣有阿列之首阿虐之首普也妻  
之首金雞有阿遂之首其久充諸驛驛騎馬匹皆前後散  
去亨急為舉廢驛騎盡復乃悉令阿豆復以私憾殺智卒  
四人傷一十六人智復報仍具獄萬曆改元都御史蔡文  
都司高金宸麻哈守親諸木空河讞不決其明年秋都御  
史羅瑤下同知高任重司理常正和雜讞復不決當是時  
智所主謀者吳鶴架亨所主則吳阿軻其阿箇也亨暱阿  
軻與阿箇甚於瓊與河等而阿軻與阿箇之妻若女與為  
亨所有與瓊珂等於是按察司林烜章直索阿軻阿箇與  
鶴駕同治罪且盡逐漢人之藏夷者而後使亨智對簿亨  
而大懇請輸的都朶你及毛家可瓦大南王莊張三壩豆  
紅岩左玉右玉陂花蔡官梨兒鮓隴二十四寨與智和解  
終智夷酋辟地墾草勸農桑察贍貧者流夷自占而還者  
至一千三百一十八人於是四十八部酋長十二宗親一  
百二十麻葉永則阿體等匍匐告都御史王緝請復亨冠  
帶許之十三年播州宣慰楊應龍以獻大木得賜飛魚服  
加思亨亦以木大進乞還給服色誥封如播州例既而木  
竟不至乃譏罪於永商帝怒命奪所賚亨乃請補貢以明

不欺帝乃如所請於是亨子疆臣時萬曆二十六年也播  
州楊應龍已反疆臣亦以戕殺安定事為有司所案科臣  
有言其逆節漸萌者詔不問許殺賊圖功疆臣奏稱播警  
方殷臣心未白帝復優詔報之巡撫郭子章許疆臣以應  
龍平後還播所侵水西烏江地六百里以酬功於是疆臣  
兵從沙溪入有蜚語水西佐賊者總督李化龍檄詰疆臣  
遂執賊二十餘人以示不背率所部奪落蒙關至大水田  
楚桃溪莊應龍伏誅先是應龍祖以內難走水西客死宣  
慰萬銓挾奏索水烟天旺地聽還葬其地遂為水西所據  
及擒州平總督分其地為遵義平越二府分隸蜀黔以渭

河中心為界而命疆臣歸播侵地代化龍者為王象乾主  
畫地而子章以為侵地始於萬銓而非疆臣安氏迫取於  
楊相喪亂之時非擅取於應龍蕩平之日且已許其裂土  
今反奪其故地臣無面目以謝疆臣願乞臣去象乾疏言  
疆臣征播殲應龍子惟棟不實有功可知至佯敗藥陣送  
家寬大若用其挾而予之彼不為恩我且示弱疆臣既無  
功不與之地正所以成撫臣之偉宜留撫罷臣以為重臣  
無能與叢爾苗疇沓者之戒於是清疆之議累年不決兵  
部責令兩地巡按勘報而南北言官交章詆象乾貪功起

釁科臣呂邦耀復劾子章納賄縱奸子章求去益力象乾  
遂執疆臣所遣入京行賄之人與金以聞於朝然議者多  
右疆臣尚書蕭大亨遂主巡按李時華疏謂征播之役水  
西不惟假道且又助兵矧失之土司得之土司播固輸糧  
水亦納賦不宜以土地之故傷字小之仁地宜歸疆臣於  
是疆臣增字追秩其母得賜祭水西尾火之患亦於是不  
可制矣三十六年疆臣死弟堯臣襲四十一年烏撒土舍  
謀逐安效良堯臣以追祁為名領兵數萬長驅入填直薄  
霑益州所過焚掠脩極慘毒朝廷方以越境擅兵欲加堯  
臣罪而堯臣死遺子位幼命其妻奢社輝攝事輝永寧宣

撫奢崇明女弟崇明子寅獷得與輝爭地仇恨相持而安  
邦彥者位之叔父也素懷異志與崇明合及是同崇明反  
調兵水西邦彥遂挾位叛以應之位力弱不能制邦彥遂  
招故宣慰土舍宋萬化為助率兵陷龍里圍貴陽自稱羅  
甸王時天啟元年二月也至崇禎二年邦彥始伏誅事詳  
師旅考總督朱爨元騰檄安位許其來歸位惶恐不敢出  
爨元督諸將屯聚要害四面迭攻凡百日得首級生口數  
萬每獲鄉導輟發窖粟就食賊饑甚遂降乃與約四事一  
貶爵一削水外六目之地一獻傷王巡撫者首一開畢等  
節驛路位俯首聽命而前助逆故宣慰宋萬化之子嗣殷

至是亦勦滅乃以宋代洪邊千二馬頭地置開州以安氏  
水外六目之地置敷勇鎮西二衛修文等八所皆建城設  
官焉一年安仁死無子土月化沙阿烏密等爭襲各以其  
地來獻朝議欲乘其敝郡縣之乃命朱燮元築大方水西  
比喇三城各僅歸化二堡以副將方國安鎮守之未幾化  
沙阿烏密復叛圍大方國安誘斬化沙潰圍出城堡盡陷  
乃以安氏族人安承宗襲宣慰使承宗死子安坤襲

國朝順治十五年經畧洪承疇率師平滇黔二月至沅州  
時偽將軍艾能奇劉文秀等據守中路師不得進承疇乃  
遣使招坤許以如阿畫靄翠故事坤大喜隨遣漢把魯經

熊彥聖二人繳印投誠二人即引大兵由西路小徑而進  
勢如破竹四月入貴陽十月進師取雲南滇黔推定敘坤  
功准其世襲兼賜袍帽靴服彩幣二十足十七年叛賊呂  
弘易竄匿水西隴革自稱興國公謀取貴陽坤密報擒之  
坤後與皮熊合謀藏匿亡命勾連黨羽造軍器演士卒蠢  
蠢思動而土目察革喇慕魁周室把總高揆復朋和之踪  
迹頗露巡道劉芳聲總鎮劉之復乃合朱世爵往水西偵  
之得實以報總督楊茂勳曰水西地方沃野千里地廣兵  
強在滇為咽喉於蜀為戶牖若黔則腹心之蠱毒也失今  
不討譬之養癰為害必大乃合疏請勦康熙三年正月坤

遂與鹽倉土知府安重聖同反

命吳三桂督雲貴各鎮兵分東西兩路致討九月擒坤於大方之杓箐十月擒皮熊於烏撒熊不食死坤與重聖皆伏誅事詳師旅考以其地設四府水西為黔西府北刺為平遠府大方為大定府烏撒為威寧府安氏自濟火據水西之地歷千四百餘年至坤而亡十二月坤親黨郎岱土司隴安藩水西頭目隴勝及安重聖之妻隴氏復反遣兵討平之

